



UKA 2018/163
30. oktober 2018
Bentiaraq Ottosen

Naalakkersuisut nunatsinni eqqumiitsuliortut atorsinnaasaannik eqqumiitsuliortut suliffiannik pilersitsisinnaanermi pitsaaqutinik pitsaannequtinillu imaqartumik suliniummut pilersaarummik suliaqaqqullugit, suliniummullu pilersaarut kingusinnerpaamik UPA2020-imi Inatsisartunut agguaanneqassasoq , pilersitsinermilu ingerlatsinermilu aningaasaqarnermut allanullu tunngasunik misissueqqissaarnermik imaqassalluni. Tamatuma saniatigut Naalakkersuisut eqqumiitsulioriaatsit sorliit sullivimmumut periarfissaqarnermik iluaquteqassanerat pillugit kaammattuuteqarnissaannik tunngasunik Inatsisartuni aalajangiffigissassatut siunnersuut.

(Inatsisartuni ilaasortaq Aqqaluaq B. Egede, Inuit Ataqtigiit)

(Siullermeerinnineq)

Siullermik siunnersuuteqartumut Aqqaluaq B. Egede, Inuit Ataqtigiit Atassummiit qujaffigaarput.

Nunatsinni eqqumiitsuliornikkut naleqartitavut nukittuumik ineriartornerat qanimut malinnaavigeqqissaarnissaat pingaaruteqaqaaq, ullumikkummi takusinnaavarput eqqumiitsuliornikkut avammumut saqqumilaarnerujussuarnerput pillugu avataaniit tikittartut soqutigisarilluinnaraat. Atassummiit isumaqarpugut tamanna piorsarluarneratigut kommunit suleqatigalugit inerisaasoqartariaqartoq.

Takornariaqarnikkut iluaqutaalluinnartumik eqqumiitsuliat kajungilersitsisarnerat isumaqarpugut inissaminiittoq, nunarput isorartoqaaq allanillu takusassarpassuaqartoq. Pinngortitap tunissutaanik atorluannikkut ineriartortitassaqarpugut, nunarput uummassusilinnik ulikkaartoq najoruminarlorlu avammumut kiffaangissuseqarfigissallugu pingaaruteqaqaaq. Eqqumiitsuliornikkut piorsarsimassutsip paasitinneqarluinnarnissaa pingaaruteqaqaaq, Atassummiit isumaqarpugut tamanna isumatusaarnerussasoq inuiaqtigiit pingaartitaata ilagimmassuk eqqumiitsuliorneq tapersorsorluarneqartariaqartoq.

Suliniutit allat aallartisareermata itigartitsinissaanut innersuussinerput oqaatigissavarput.